

任瞻望
聖駕激切奉辭依皈之至以聞

十二願

復爐

謹攝香官使者左右龍虎君侍香諸靈官當

今臣向來靜夜行道之所自然生金液丹碧

芝英百靈眾真交會在此香火爐前當願十

方仙童玉女接侍蘭煙傳臣向來所啓之誠

速達徑御

至真無極大道

昊天玉皇上帝御前

出堂頌 出戶

送聖

道門科範大全集卷之五十七

道門科範大全集卷之五十八同卷十九 卷六

廣成先生杜光庭制定

北斗延生懺燈儀

法事如常

念天地自然况 洒淨

具位臣某謹同齋主某等同發虔誠焚香供

養 北極紫微大帝北斗天英貪狼星君天任巨

門星君天柱祿存星君天心文曲星君天禽

廉貞星君天輔武曲星君天衝破軍星君左

輔右弼星君北宮眾聖伏望真慈降格燈壇

證盟祈禱入意伏聞元始開教普及於羣生

太上垂慈咸臻於衆品是以琅函玉笈顯示

齋科金簡瑤編敷宣離法大啓祈禳之路廣

垂懺謝之儀凡稟生成實宜信奉今有修齋

弟子某等幸蒙真籙長處照辰但資當修之

情莫悟操修之理竊惟年運恐處災纏是用

按黃錄之真儀法雲天之列宿精虔照座建

立星壇法乾象之圓隨斗杓之建華光照曜

資續明破暗之功仙梵虛徐達薦福拔亡之

懇上願天真願享仙馭退臨鑒茲虔禱之誠

賜以殊祥之慶災消此日福降今辰果沐恩

光萬生抃悅稽首皈依虔誠讚詠

斗中神仙和諸靈官

臣等仰惟真君運轉圓宮神配道樞之動主

張高漢功儀天德之清上符乾健之尊下鎮

羸秦之分統臨陽德崇號正星永耀神光潛

扶聖主克保萬年之慶長令下土之安妙化

永孚玄功罔測今奉道某仰託恩佑幸與人

倫既蒙臨照之光敢效皈依之志謹依科式

建立星壇備列香燈嚴陳法信皈命子生人

本命所屬北斗大聖貪狼星君伏願天心降

佑聖力扶持著生算於青書削過尤於黑簿

禎祥畢至善既來臻稽首皈依虔誠讚詠

信禮高上紫微垣北斗第一貪狼星君

貪狼延生 回真四靈 流暉下映 洞達元冥

七元紀籍 名列紫庭 保身續壽 永享利貞

耳目開爽 魂魄長寧 攝養精炁 與神同明

延生自然 上昇玉清 願得長生

臣眾等至心皈命瑤宮巨門陰精真皇君
斗中神仙和諸靈官

臣等仰惟真君循環太極專聖統於天瑤配
合坤元曜景光於土宇下配無疆之地德南
臨莫大之楚藩法律平施陰刑所屬德潛扶

於女后化允合於周南水輔一人君臨萬兆
信神光之默運齊妙道以昭彰今奉道某感
荷生成信崇因果篤有歸依之願寧無陰佑
之祈謹按科儀建成壇壇具列香花之獻嚴
輸法信之儀皈命丑亥生人本命所屬北斗

大聖巨門星君伏願充廣天心將施惠澤災
殃永珍福貺來臻十紀長安一門共慶稽首
皈依虔讚詠

信禮高上紫微垣北斗第二巨門星君
巨門延命 玄靈散陳 丹田通暢運合仙真

七元定籍名列紫文護身主壽福慶維新
辟除妖惡善瑞日臻去來無礙與神同倫
延命自然上升玉宸和願得長生

臣眾等至心皈命璣宮祿存真人真皇君
斗中神仙和諸靈官

臣等仰惟真君動化所宗允若天機之象人
倫收屬長垂真宰之功主張火德之高明統
御梁邦之鎮靜光昭善念永珍山人長無邊
鄙之虞潛革蕭牆之禍今奉道某仰叨玄造
肅奉崇感盡忠孝之誠心竭黃恭之素志謹

依科式建立星壇齋備信儀粧嚴香火皈命
寅戌生人本命所屬北斗大聖祿存星君伏
願神心速應聖力潛扶千祥永萃於門庭五
福長資於命運動為身泰災厄蕩除稽首歸
依虔讚詠

信禮高上紫微垣北斗第三祿存星君
祿存度厄 高仙上靈 流輝徧照 內外肅靜
七元錄籍名列紫庭扶身延壽 祿位長亨
臍腑開朗動止咸寧 光運合景 與神同榮
度厄自然 上升玉京和願得長生

臣眾等至心皈命權宮玄冥文曲真皇君
斗中神仙和諸靈官

臣等仰惟真君抑揚萬物長施輕重之權消
長四時分正陰陽之候主和柔之水德資清
潤之吳邦天理攸司邦基所續無起邊陲之

禍有嚴征伐之威神化昭明聖功高妙奉
道某欽崇至道遵奉仙科惟茲積善之因自
致皈真之路謹依科式建立星壇備法信之
精嚴列香燈之煥爛皈命卯酉生人本命所
屬北斗大聖文曲星君伏願聖心昭假道力
扶持視履康強行藏清吉蕩千災於命位資
眾善於身官稽首皈依虔讚詠

信禮高上紫微垣北斗第四文曲星君
文曲消災 玄黃開陽 仙靈隱見 朗徹十方
七元掌籍 名列紫房 衛身益壽 長啓福祥
明真降祐 辟蕩凶殃 華精悉結 與神同鄉
消災自然 上昇玉堂和願得長生

臣眾等至心皈命衡宮廉貞丹元真皇君
斗中神仙和諸靈官

中和建極為綱目於五音主土德而含光分
幽燕而作鎮世有凶頑之罪難逃殺戮之威
德在好生功成滅惡今奉道某去奢去泰惟
抱一以貢誠載願載瞻敢傾心而念道謹依
科式建立星壇備法信之精嚴薦香燈之竭

潔皎命辰申生人本命所屬北斗大聖廉貞星君伏願神功響應聖澤滂流災衰永蕩於一身福祿長資於舉室門庭叶慶妖沴潛藏稽首皈依虔誠讚詠

信禮高上紫微垣北斗第五廉貞星君

廉貞扶衰 真宗降靈 流霞散數 仙仗交盈 七元典籍 名列紫營 固身壽壽 慶合連并 高玄接引 優游五明 駕景飛翔 與神同靈 扶衰自然 上升玉庭 願得長生

君斗中神仙和諸靈官

臣等仰惟真君化功動闡德莫成於闡陽氣運宣通數有全於六律主教榮於本德長鎮守於趙邦願去危而即安永有豐而無歉物富倉廩慶洽邦家今奉道共祗荷道恩式崇天德每罄皈依之願長懷黃畏之心謹按科儀建壇設鎮信精設香花皈命已未生人本命所屬北斗大聖武曲星君伏願玄造廣開靈休速降長消災患永保禎祥四序康安舉家清吉稽首歸依虔誠讚詠

信禮高上紫微垣北斗第六武曲星君

武曲散禍 玄映禦空 威靈備守 妖邪絕蹤 七元注籍 名列紫形 榮身增壽 享福無窮 仙官扶衛 步躡雲中 真炁降集 與神同聰 散禍自然 上升玉宮 願得長生

臣眾等至心皈命瑤光宮破軍天關星真

皇君斗中神仙和諸靈官
臣等仰惟真君光灼指顧能令四序之分神柄推移永作七星之主類堅剛之金德長統御於齊邦部曲精嚴干戈整肅長備禦姦之用居多應敵之威有此武功式茲下土今奉道某欽崇教法祇奉威神不敢怠於斯須願少迴於盼矚皈命午生人本命所屬北斗大聖破軍星君伏願天心高鑑聖澤下臨玉簡延齡金編紀善永息惡曜凶星之照長無年災月厄之侵眷屬寧康住居安吉稽首皈依虔誠讚詠

信禮高上紫微垣北斗第七破軍星君

破軍益算 明霞散數 流光薄浹 真炁長扶 七元慶籍 名列紫書 治身添壽 常處權娛

飛仙蹈舞 遊晏玄都 微視表裏 與神同居 益算自然 上升玉虛 願得長生

臣眾等至心皈命北斗左輔右弼星君斗中神仙和諸靈官

謹虔誠上啓

斗中真宰七元輔弼真君本命所屬星君合座眾聖今奉道某等精嚴醮禮仰奉光儀靜念端躬虔心對聖按仙科之儀格事斗極之真靈恭備香燈式陳壇墀蘭膏共煥訝芳蓮競發於中宵寶焰齊明狀列宿分輝於下土沐靈光之並照迷暗罪除蒙懺法之敷宣愚癡障解今則新恩謝過事畢功圓惟冀聖澤遐沾恩光薄及上願天長地久國泰民安風雨順調方隅寧靜伏願奉道某等琅函玉笈永昭積善之功丹簡瓊文益注長生之字福符百順家集千祥乃子乃孫盡忠盡孝災殃霧廓慶瑞雲臻四時克保於安康一宅長蒙於利佑九幽長夜俱觀光明一切有情同登道岸稽首皈依虔誠讚詠

誦經

回向
餞神 化財

道門科範大全集卷之五十八

道門科範大全集卷之五十九

廣成先生杜光庭制定

北斗延生醮說戒儀

法事陞壇如式

念淨天地呪 灑水 存立

高功臨案

具位臣某等謹焚道德真香爰誠奏啓

三清上帝十極高真神霄九宸列御帝君上

清日宮太陽帝君月府太陰皇君南斗六司

延壽星君北斗九皇解厄星君東西中三斗

星君三台華蓋星君銀河二十八宿星君天

元人元福祿星君天司主照某本命元辰星

君當生行年一切星眾三官大帝考校罪福

聖眾北極四聖導從仙官靈寶教主五師真

君秦玄都省上相真君太極仙翁沖應孚佑

真君九州都仙神功妙濟真君念書三省上

相真君王堂演教侍宸仙眾三界十方一切

真宰咸望洪慈俯垂洞鑒臣今奉為宣意其

諸情悃已對教宣諒沐

天恩鑒明祀事臣伏聞夫建齋之始先受修

真之戒以檢察身心感格天地今日道場乃

是弟子某建生本命上屬北斗某星君下降

之日北斗七星在太微之北為人君之象為

號令之主斟酌元氣臨制四方以建四時以

均五行運天地之中而人稟之以為命第一

曰陽明貪狼太星君子生人屬之第二曰陰

精巨門元星君丑亥生人屬之第三曰真人

祿存真星君寅戌生人屬之第四曰玄冥文曲

紐星君卯酉生人屬之第五曰丹元廉貞剛

星君辰申生人屬之第六曰北極武曲紀星

君巳未生人屬之第七曰天關破軍關星君

午生人屬之一主天二主地三主火四主水

五主土六主木七主金一主秦二主楚三主

梁四主吳五主燕六主趙七主齊一主陽德

二主陰刑三主中禍四主征伐五主殺戮六

主五穀七主兵戈自一至四為魁魁為璇璣

自五至七為杓杓為玉衡凡人之生福祿壽

命與夫眷屬奴婢皆斗中主之按

太上老君言凡人性命五體悉屬本命星官

之所主掌本命神將本宿星官常垂陰祐主

之